



羣碧居慶

鈔本

校本

朱墨兩

此鈔本甚善且有校筆後補遺

五景乃

另一人所書即墨校之人也字尤雅好鈔紙有

篆文四古堂三字亦不知為何人要之為鈔中

之精本固無疑耳

癸亥正月羣碧居士





東洋文庫

小傳

虞堪字勝伯宋丞相允文諸孫後家長洲隱居行義不樂仕進笠澤鄉人常為義塾以延講教所著有鼓枹集其詩清順則麗間馮山水亦有思致雅重先世手澤間有雍公遺文雖千里外必購得之乃已其後祖伯生遺稿亦堪所編

蘇州志

勝伯洪武中為雲南府學教授卒於官子鏞教授里中孫浞始去儒浞之子權家益貧盡賣先世故物以供衣食權死時勝伯所藏翰墨無慮數篋妻子以一魚鬪裹置屋梁久之併其鬪亡矣吳中故世儒家虞氏與南園俞氏為家

兩家入本朝至永樂初而微至弘治初而絕徵文獻者為  
三歎焉 錢氏歷朝詩人傳

鼓枻藁卷之一

巖居高士圖歌

山高性所樂好山何處無平生樂山夜入夢神遊歷歷皆  
方壺浮雲滿空任舒卷把筆題詩傲軒冕長松如龍鱗滿  
身風雨年年長蒼蘚結巢絕愛當岩阿平地白雲如湧波  
落葉蕭蕭作飛雨自看山中秋色多日夕樵歌响幽谷啼  
鳥闕、辭林木幾年種木茅公山更弄漁舟武夷曲山中  
過慣真耽塵但看日月不記春巖居高士莫笑我、亦本  
是青城人自愧長年不歸去遇舜逢堯意忘慮一舸烟雨

長樂郭  
振鐸西  
諸君

元

虞堪

伯勝傳作  
勝伯

在江南畫裏山看得真趣  
挑花生水春尚寒西來雪嶺泥不  
乾出門千里更萬里無緣縮地何其難

自畫關山旅行圖

三年不作画一画旅愁生  
家山萬里隔蜀道正難行  
蜀山高且遠瞿塘水復險  
別來記得春水深此日欲去風塵滿  
風塵滿將如何成  
都西南愁翠蛾眉愁損人未歸  
杜鵑啼血朝飛杜鵑啼飛向何處  
江南三月春九十日風雨每同  
謝眺看青山安得草堂留杜甫君  
不見杜甫悲歌一世豪南奔北走  
何其勞南奔北走何其勞許身稷  
契愚且勞焉

自畫萬壑松風圖歌贈天台朱秉忠梅花翁

原校高字未協宜  
再校

天台萬八千天山挑花久不流  
人間上當牛斗開天闕仙人幾度  
招我窮幽攀瓊臺玉闕迥寂莫石  
橋且滑宜潺湲曾識高人姓朱者  
讀書縛屋蓮峯下一從畫得龍馬  
神龜文走獻天子登天閣天子莫  
可官歸來老田野取喜兩兒郎綠  
髮更瀟洒大者賦遠遊不肖卑微  
休仲也誰與傳愛我畫滄州聊將  
水墨趣寫此空巖秋雁蕩雲連赤  
城暮瀟湘雨裏蒼梧愁我愛仲也  
琴傾耳大賞音南風散五絃為我  
開煩襟栖鳥夜啼秋月墮黃鸝晚  
轉春花深君不見畫圖絕是琴中  
趣萬壑秋風滿松樹亦有梅花可  
結巢隨意青山看雲去

自畫山居圖歌贈宜春朱隱君地理者

朱侯有隱居乃在宜春間東遊未久住浩蕩忘其還山川  
神氣具在眼窮幽蹟隱知何限黃河之源出崑崙千里萬  
里盤旋屈抑支天根自從開闢分九州大噫呼噏生氣浮  
綿延亘接極瀦瀦奔澎不息入海流海門限水迴蛟虯碣  
石排風駐馬牛從此山川極甌越秦王之石禹王穴朱侯  
朝覽赤城霞暮看山陰雪山陰溪中釣魚者舊廬亦在青  
城下胷中丘壑渾天成手把風雲自揮洒宵霽外鴻濛前  
來龍起伏頃刻真宛然長松古檜亦偃蹇不似草生風  
烟朱侯長相見談笑共刮目脫屣白石上滄浪歌濕足愛

山之癖奈侯酷聊以尋幽畫茅屋青山隔溪轉白雲就簷  
宿不短挂猿藤頗長栖鳳竹畫成送侯當早歸越來溪傍  
花正飛春山蕨長薺菜肥何待滿樹風雨釣翰啼朱侯朱  
侯此別勿嘆惜一飯勸君當努力但將雞犬深入雲莫管  
桃花盡狼藉此畫挂向草屋壁讀書萬卷守勿失從教門  
前泥濘三尺深掩柴門莫輕出

朱叔仲山水引為鄒生作

看山朝不飯畫山夜不眠西蜀書生有此過傳癖呼鑿索  
酒忘青年東吳朱家叔仲子愛畫更覺入骨髓清晨起來  
欲不梳快展溪藤潑秋水長年買舩共會稽耶溪雲門隨

詩中二作叔仲

所之越人煮海競取富孰肯相逐探幽奇歸來自喜胸腹  
飽磊落硯岵嶸揮不了東家慎子高文尋落筆唯嗔烟峰  
小鄒生拜揖長衣裾得画一紙七尺餘就中貌得戴安道  
一丘一壑松兩株前年我亦畫匡廬還有松巢安讀書昔  
年李太白最愛雲端蕪焦桐不著童子抱先生自是乘籃  
與仙人自在雲九疊牧豎樵夫皆可居朱叔子鄒陽生世  
俗那辨關與荆齊君不好瑟王子自吹笙何當與子坐待  
海宴風塵清更作崑崙頂上行

瓢隱畫歌

溪山昨日風雨來溪上舡子衝潮回白鷗微茫度島嶼綠

樹恍惚迷塵埃烟昏氣黑夜傍海石梁茅屋多傾頽壺公  
画裏何悠哉寫此世外之蓬萊弱水不渡良可哀

朱澤民山水歌

江上青々江水綠市上何人吹紫竹避暑宮前不見春落  
花滿地遊麋鹿千古江山列畫圖朱侯解寫咫尺烟模糊  
扁舟依然在洲渚應可自此歸五湖昔人去者今有無噫  
昔人去者今有無

張商画竹歌

洞庭張商愛修竹放筆縱橫寫千幅世上今無玉局翁  
中自有資蓄谷黃金寫成金錯刀石室涵々生秋毫鳳凰



飛去空寥、張商落墨何其高

桃花盡眉曲

春禽踏南枝新柳拂蛾眉東風一何淺花間聲宛轉君不見秋鳥一夜啼金井裁衣念遠剪刀冷便是蘇家窈窕娘愁對離鸞亦斷腸

鑑湖春晚

越王城南看春晚湖上好山青未了誰採芙蓉落鏡中翠黛蜿蜒如可掃頌公歸來酒滿舡幽花網戶春娟、手招南風鳴五絃鸞冲鶴翥今千年

觀山

山無垢色雲無住心達人觀之其高且深

古意

秉燭夜何長芳筵惜春暖鶯花已驚曙東風襟袵管還念戰場人冰花鐵衣滿

踏車謠

一春多風復多雨田頭踏車最辛苦去年種田、無收還租賣却牛一頭今年城西盜賊起北巷南村盡燒毀城頭土崩日夜修壯者服役老者憂晨食糟糠每忘晝妻子長肌面皮瘦公家吃酒歌呼奴不念農家租不敷公家若念農家苦水滂祈晴早祈雨

西蜀二首

其一

西蜀青山青似眉，連雲芳樹杜鵑飛。  
壩頭酒熟櫻桃過，萬里橋西人未歸。

其二

春風畫舸錦江上，細雨朱櫻紅樹中。  
買得白魚賸沽酒，犬人相對倒郫筒。

王壘詞

王壘峰頭月落西，碧雞祠下杜鵑啼。  
江南倦客多歸思，憶踏扁舟泛五溪。

三峽詞

雪浪西來嘗滾滾，雲濤東去自茫茫。  
寧知萬壘<sup>壘</sup>關山恨，比似難亭百丈長。

宮詞

愁鳳停針刺綉紋，沉香別殿鎖重門。  
棣棠枝上三更月，雪色冰輪不見痕。

有所思

美人不來渺何許，路傍芳草綠萋萋。  
桃花春<sup>浪</sup>痕半篙淺，恨隔三千弱水西。

美人撲蝶圖

雙蝶忽飛來撲之意偏好繡扇著春堤恐污宜男草

旅懷

野閣篝燈獨夜時苦愁風雨失歸期夢回蜀道關山險行  
盡江南草木衰縱酒為憐花落去懶眠重恨月來遲不知  
鳴鳳飛何處老却梧桐第一枝

春興

十日寒風剪落梅東西撩亂雪盈堆王孫何處尋芳草野  
老多情踏舊苔頓覺繁華隨水去斷無行跡過橋來黃昏  
寂寞徘徊久安得清樽為爾開

聽朱秉中鼓琴

潮落滄江月上時衙門獨客正栖遲彈琴獨有稽中散對  
榻可無鍾子期蝴蝶翩翩迷曉夢松風颯颯起秋思水雲  
別轉瀟湘曲白露無聲下竹枝

八月十五夜對月

月色且看今夜好砧聲不斷若為情聯綿烽火近或遠阻  
絕兵戈縱復橫赤壁烟消非昨夢黃河天近幾時清如今  
搖落重寥落華髮催人兩鬢生

謾興

眼中風景如何了門外桑田知幾年北去黃河猶耿耿南  
飛鳥鵲竟翩翩于今虎帳聞鼙鼓何處龍舟奏管絃濁酒

一盃難強醉，嘿看芳草憶春前。

漁船早起

舟泊蘆花雪滿窓，晚鐘烟寺已微撞。雞啼草屋星垂地，鶴散楓林月墮江。拙計祇甘持釣去，關心何已必豎幡降。起來驚破沙鷗夢，飛渡前江又一隻。

鼓柁

蘭柁鼓清流，獨悲江上秋。屈生長，悵漁父亦遲留。斑竹涵清淚，滄江沒白鷗。釣竿斯可寓，隨意泊吾舟。

十日對菊

撚花悲節過，無酒漸無歡。客裏情懷惡，江頭風雨寒。揚雄

空識字陶令，苦辭官荆璞。應難抱牙琴，欲罷彈。

十月十七夜舟中作

江漢月輝，孤舟一夜歸。白沙漁聚火，清露客沾衣。櫓約寒潮响，鷗聯宿雁飛。人間成底夢，吾獨轉忘機。

對雪

碧落瑤光滿，分明屬化工。江山如画裏，天地只壺中。瑞應三番白，春無半點紅。原頭踏芳草，遮莫待東風。

謾興

避地藏吾拙，衙門常自扃。豺狼時攫，風雨晝冥冥。海上琅玕折，山中芝草零。如何秉干羽，不見舞虞廷。

王使君季野飛雲樓宴集

翠黛生微暈，欄干下夕陽。亂蛙喧鼓吹，芳草滿池塘。歌按黃金縷，詩傳錦綉囊。焦桐猶自弄，還問蔡中郎。

趙生席上

清明纔過日，踏雨到君家。列坐新行酒，比隣始種花。牆頭紅窈窕，盃面綠交加。歸騎寧扶醉，還人揜帽斜。

夜雨水竹居聽箏

繁<sup>溜</sup>响簷牙，深堂靜不譁。坐來聽夜雨，歌起酌春霞。燭小銀花墜，箏低玉柱斜。俄聞闕塞曲，飄忽思如麻。

旅館與陸季翁對榻

旅館連宵話，心期一寸冰。春風歌玉樹，夜雨落寒燈。世事嗟餘耳，人情見武陵。男兒四方志，搖落豈無憑。

讀陳天倪傳有懷其子惟寅惟允

惜別經三月，相思寄五言。風塵淹逆旅，烟樹鎖離魂。行處松楸曉，吟詩鳥鳥昏。臨文憶前行，重為洒啼痕。

白雲為閑上人賦次鄭子封韻

一片復一片，應無去住蹤。悠揚輕似羽，變幻儵猶龍。寶月同瞻海，青蓮別見峯。若招岩畔宿，飛散下堂鐘。

中秋湖上看月

中天今夜月，爛熳五湖秋。玉樹縣虛靜，金波入漢流。間關

南北路浩蕩古今愁欲踏仙槎去凌空賦遠遊  
春日漫興六首

其一

甫里祠前春雨晴闔廬浦口海潮生白鷗聚處蒲牙短鶯  
起輕、盪槳鳴

其二

幾陣飛花高撲樹一聲啼鳥正當門閑拈綵筆無題處寫  
得江南過雨痕

其三

夕陽半落烏衣巷春樹都迷綠野堂無事山樵雖不出也

愁風雨暗高崗

其四

去年一得河邊信萬戶千門掩糞泥逃比之家皆以糞土封門不覺風

烟慘江上也無豚柵與鷄栖

其五

桑條齊綠柳毳，又見人家卜養蚕到處落花隨雨後半  
分春色在江南

其六

西塞山邊吹戰塵南陽原上草如茵誰將宋玉傷春句說  
向登臨感慨人

早春述懷

河邊殘雪未全銷  
怪底春來暖尚遙  
好待東風剪芳草  
馬蹄踏遍赤蘭橋

花下把酒

一百五日正欲暮  
三月盡頭猶是春  
把酒對花須大醉  
人間誰主復誰賓

憶錦官

錦官城外山如画  
春雨飛花紅滿川  
人過舊墟還買酒  
魚來兩穴肯論錢

讀何水部詩集

剪燭聯詩孰似君  
多情無奈沈休文  
揚州看月應無夜  
祇為梅花瘦幾分

春興二首

其一

詹尹如何為卜休  
閑身猶住海邊樓  
一春風雨無憑準  
叫斷林間逐婦鳩

其二

原頭芳草綠如茵  
寒食江南已過春  
飛絮漫天無繞路  
落花如海倍愁人

滄波

滄波渺碧落蘆葉生秋風一船不結纜長嘯月明中

舊箏

鴈逐暮雲斷蟬驚秋夢寒蕭條關塞曲不復和愁彈

送張士阜歸闕

闕廬城外草芊芊西子湖邊客上船二月水生春自泛三  
山日落夢相牽鷓鴣竟去滄溟遠杜宇還啼錦樹妍我亦  
欲歸愁劍閣風塵消息在何年

鼓枻藁卷之一

鼓枻藁卷之二

送張伯寄還花溪舊隱

元 虞堪 伯勝

見說石田茅屋在花溪南畔柳溪東亂兵橫殺雖不到死  
草華風亦自同天際淺蕪春莽漾水邊寒月夜朦朧羨君  
歸去仍高卧布穀還啼幽竹叢

送朱秉中之杭將歸天台山中

盈：柳色動江皋手挽長條炤錦袍亂世總懷鄉土計還  
家寧憚路程勞桃花流水心何競華頂尖峯首謾搔切莫  
西湖戀光景棹回南斗滯秋高



送潘公穎歸越

離亂相逢淚滿襟恍如魂夢話侵尋猶愁大澤鯨波險况  
說南山豹霧深楊柳折來重忍別蓼莪書罷復難吟隴頭  
還植新松樹知向棲霞第幾岑

送魚臺賈景莊自吳航海之京師

鼓枻滄浪歌濯纓送君臨別重征營逃名遂是魯連子痛  
哭安非阮步兵短褐文章千里重白鷗滄海一舟輕好紵  
長榮干明主正為蒼生問賈生

顧仲贄四明歸覲

木落空江煙霧開客程無奈雁聲催船從賀監湖頭過人

在吳王宮裏回梵剎雨花飛雪竇海潮浴日上蓬萊靈椿  
此日應千歲好看班衣獻壽盃

送馬民立之杭

汎汎相逢水面萍悠悠行路尚縱橫殘年送子東南去頃  
刻題詩感慨生西子湖邊春定早謝家池上雪初晴登臨  
莫折垂楊柳試聽黃鸝第一聲

送趙生航海之京

之子天邊去遠遊滄海中蓬萊十日到雲漢一樣通夜靜  
應瞻斗秋高定轉蓬慎聞堯治詔歸慰釣魚翁

李士賢檢校使吳

使者來吳日多君屬後車全家當國難孤直保民餘秉節  
心仍壯揚名信不虛懷忠獨憐孝珍重史官書

送相德謙之越

世路一何艱風塵戰血殷送君闔廬浦投客會稽山戀闕  
頭添白尋親泪復潛臺中論前績力馬豈容閑

寄澱湖鄧高士

故人消息近何如一別經年未得書世事似棋猶自奕湖  
光如澱不妨魚風塵定阻王喬寫山野或容陶令居我亦  
從來絕泥滓何緣方外學清虛

寄魏秉中表兄

海上魏公子風流憶漢貂別來良契濶時節竟蕭條歲暮  
滄江遠天寒白鶴遙艱難慎行處吾欲老漁樵

重寄

客厭吳江冷誰歌蜀道難風塵應阻絕歸計且盤桓臘雪  
明殘夜梅花耐薄寒殷勤囑毛穎聊以報平安

寄南潯潘隱君草堂

湖頭隱君好竹樹日蕭森對酒花當面焚香鶴在陰青山  
應似舊歧路只如今潘令思吾否高情足謾吟

東倪季敏南墅隱居

季也脩端士高閑獨閉門桑麻深畫雨雞犬自朝暾設以

南州榻陶然北海尊何時覓漁者相逐到桃源

寄鄧高士

海上无真子能詩似謫仙從來披鶴氅長在釣魚船袖有  
雌雄劍囊無子母錢一壺春自足應不問先天

寄徐生并東愚谷上人

之子病來久緣情多苦吟經句不會面鎮日廢彈琴雨過  
江澄練梅酸樹壓金西林有禪老夜話話好論心

寄湖州潘公頴

看花長想曲江春燕子東風散頻君向水晶宮裏住題  
書還近玉堂人

一本結句云文殊  
應在摩詰好  
論心

寄王明仲寓杭

南風画船何去十日北海清尊空百盃黃鳥有時啼綠樹紅  
榴和雨落蒼苔已聞相府朝入却喜仙都夜回山色  
湖光固無恙開船應是未歸來

其二

西湖何處好題詩落日西冷唱竹枝團扇晚停眉黛飲水  
寒休弄玉參差

旅贈王宗善

江湖獨客轉飄蓬落日啼鶯夢雨中自歎窮途如阮藉忽  
逢佳士即王戎故園春去無多燕此日南飛幾箇鴻甚喜

得君相慰藉深慙花落酒尊空

蔡尊師鄉老見過感懷書贈

西來文物眼中稀歲晚相逢款竹扉  
萬里祇堪鄉國語百年惟著野人衣  
翠娥江上愁空老白鶴遼東信未歸  
見說關山塵霧暗不知城郭是耶非

贈周可久

漂泊風塵際相逢湖水潯以君正哀損而吾且狂吟  
禾黍感行役蓼莪思孝忱憂來無復道端處和鳴琴

次韻海上還家

問君何處覓麟洲還作東方海上遊  
瑤草只從方士寄蟠

挑那許世人謀塵飛恍惚千年劫  
槎轉虛空八月秋但怪神光多變見  
元龍不是為蜃樓

次韻陸高士見懷

美人相別意何長世路悠悠曲似腸  
軍馬野中猶格鬪漁船江上亦淒涼  
連年甫里同茶灶何日成都問草堂  
惆悵沙鷗隨所適東飄西泊謾相羊

次韻朱北窓江上阻雨留旅館對榻

落花如海亂西東綠水青山舊日同  
無奈春光容易晚不知行路幾時通  
竹溪野鳥頻呼雨浪滾江豚正轉風  
苦欲留君休解纜剪燈連榻話飄蓬

次韻荅角東方彥脩見寄并柬徐生

避地每承先枉問躬耕無計服勤劬兵戈南北家千里風  
雨蕪葭海一隅故舊豈聞真國士笑談惟愛老漁夫煩君  
為覓蓬萊路徐<sup>福</sup>樓船信有無

次韻沈仲說洞庭秋晚

時花媚秋色落日淡清暉橘亞丹楓樹江分白鳥磯圍碁  
應道跡把釣或忘歸謾道因詩瘦高情淡翠微

用唐綦毋潛留題龍興寺詩韻贈長老閑公白雲

西蜀竟忘歸東林自掩扉百峯<sup>年</sup>純白髮獨着羽緇衣閱藏  
心源淨安禪鼻息微天花如雨下無箇著空飛

闔廬浦

闔廬浦口画船開興逐秋潮海上回霜樹露花紅窈窕梵  
宮仙觀碧崔嵬南飛越鳥双双過北帶吳山隱隱來欲把  
一盃觀浩蕩乘風櫂拖苦相催

陳湖

渺、洪流接具區由来畊鑿搃膏腴沉淪為有魚龍混開  
廓豈無鴻雁俱好覓根源隨博望莫將清淺問麻姑桑田  
變海元如此自泛扁舟入五湖

題嘉興水西寺

宣城水西不可到秀州水西今獨遊太白才情真放逸牧

之人物更風流諸天問法元無相千載題詩在上頭人世  
古今同一夢劫灰烟暝五湖秋

重宿金處士瞻雲軒呈二同遊

昔同下榻軒中眠此夕復來驚五年世故恍然如夢寐物  
華端可喻雲烟西公何憂髮俱白唯我自咲心無緣但看  
梅花顏色好歲寒仍在月娟娟

寄題湖州沈自誠水竹居

水竹之居清且幽休文無恙在湖州淵魚或躍誰同詠鳴  
鳳在樓不易求鎮日輸君常把釣何年著我一維舟共燒  
臘燭聽春雨高卧清風八詠樓

留題橫塘般若寺

西郊郭橫塘寺開門對越溪潮生滄海近雲起碧山低浮世  
驚前夢迴廊覓舊題重懷先太史曾共白雲棲

昔先太史與白雲閑上人憇此今三十年矣而  
壁間遺跡尚新瞻仰徘徊不勝流涕因賦此以  
識歲月云

登大覺寺琳公鑑湖樓

談笑寶勝樓開湖光劈面來浮雲空翳檻明鏡若為臺野鳥  
啣花去潭龍作雨回坐叅真法境無意想蓬萊

題文殊院壁

文殊蘭若舊珠樹網羅交殿古餘獅座林空見鳥巢天花  
時作供野菜日充庖忽憶香山語令人願結茅

此處失南城祚真  
精舍一律補于卷  
末

昭明寺暹上人房次韻題壁

脫俗經雲壑尋僧到竹房林標發虛籟潭影落天光淨觀  
禪心寂清齋道味長南山寺相對結屋好隣傍

題暹上人可賦軒

祇樹給孤園當陽開小軒天空澄霽月海淨浴晨嗽霧隱  
南山豹風傳後夜猿凭高殊可賦觀沙亦何言

昇公蘭若

莫笑長來過虎溪逃禪嚼酒醉如泥  
桃花落處看春色楊

柳陰中聽鳥啼

登天池山留蒞在公一笑

雲溪疑是  
雲漢

行窮水色與山光覓得靈源到上方躡斷翠厓雲溪上生  
捫參井濯滄浪

題渾淪菴

龍虎山中看月高靜無天籟絕纖毫渾淪消息誰知得夜  
半吹笙醉碧桃

吳下口占

吳王城下水連村梅雨新晴海霧昏誰復吹簫市朝變夕  
陽芳草斷人魂

越來溪

每踏遍舟過越來青山何處復登臺  
野花荆棘都迷恨空  
逐寒沙白鳥回

過王季野妻施夫人墓

寶玦珠奩土一杯東風原上使人愁  
落花寂寞迷芳草日  
暮王孫何處遊

吳江

三高祠前流水五湖烟外孤蓬楓落吳江夜  
冷高情都付  
漁翁

靈巖寺

響屧迴廊何處來尋陳迹都非日  
暮疎鐘孤起白雲岩下  
僧歸

姑胥山

不見舊時臺榭空聞千古風流滿地  
山花落去幾番麋鹿  
來遊

橫塘

越來溪頭暮雨姑蘇城外橫塘黃帽  
就舡炊飯綠鬟隔岸  
鳴柳

題王元章梅

髯君畫梅若天造冰雪肝腸屢傾倒  
騎驢曾上燕南道罵



人不識梅花好囊空無錢遂歸蚤把酒對花心燥：夜半  
歌呼發酒狂縱說花王被花惱江南三月春風顛柳絮飛  
花不堪掃雪卷枝梢頗綴繁那似山中昔懷抱憶君誓不  
委路草若欲尋之畏行潦聞道關門空讀書十年不見今  
應老羌笛吹時不下來而今正合窮幽討君不聞咸平處  
士骨枯槁白鶴翩：度瑤島

題王叔明為瑛上人畫懷亭雅集

仙人王子喬吹笙度人世天目山前騎鶴來五彩虛空盡  
無際岨峿岡頭十八公惟在己公茅屋東要予賦詩請莫  
笑石上精魂今古同

題陳松巢畫

秋山殊可畫愛此似匡廬九疊青崖峻萬株紅樹疎筍輿  
陶令入蓮社遠公居何日曾塵靜松巢好讀書

題趙松雪畫

其一

江上晴天錦繡紋丹崖紅樹思紛紜毫端染得秋無際猶  
是蒼梧幾片雲

其二

王孫今代玉堂仙自畫苕溪似輞川如此青山紅樹底那  
無十畝種瓜田

其三

玉簫吹斷幾黃昏南國風流竟莫論  
帝子不悲秋色晚墨痕何以著蹄痕

其四

竹色蕭蕭木葉齊石邊芳草迥淒迷  
斷猿月落愁人去正在黃陵廟裏啼

題宣和馬圖

龍姿鳳質滿中原盡蹴秋風度海門  
一匹不來踐霜雪沙場青草自黃昏

題趙仲穆人馬圖

驥子如龍勢欲飛圍人猶著舊宮衣  
霜蹄踐雪花無數可

賦小瓶紅白梅花

冰肌自傲羅浮雪暈臉偏酣太液春  
共立東風妬環珮珊瑚瑜玉較精神

顧定之出牆竹

莫笑虎頭癡偏憐鳳尾垂粉牆遮不  
斷翠雨濕多時

題朱仲叔畫青山白雲橫軸

山青綠樹深白雲更多少憶爾越中  
行揚帆看春曉

題倪元鎮畫竹樹圖

箇々竹弄雨了了樹撐烟還教米拜石癡絕伴清妍

題陳慎獨画

菖竹在坡陀蕪葭隔洲渚咫尺雨中秋披圖謾愁予

詠异石

吳人朱叔重善繪画嘗遊石堰山遇方士授异石  
玉色清潤如鑑如屏雲白山青趣若天造要予詠  
之

觀山有奇術披此天地根白雲飛不去一片玉渾淪

題列子乘風便面

昔者列禦寇冷然御其風方諸徹秋水乃今見猶龍

題陸季弘画碧桃花

武陵溪畔花如霧魯弄參差引鳳還幾度春風開劫外不  
随流水到人間

南城祚真精舍寓宿呈熙哲二公

塵世竟忘情還來認惠明一燈懸夜榻萬竹起秋聲啼嘯  
風連屋烏啼月滿城坐忘渾不寐相對話無生

鼓枻藁卷之二

鼓枻藁卷之三

王明仲遊海蘭若折錦雲帶花貯瓶中索賦絕句

元 虞堪 伯勝

舉手拈來笑似人海雲飛渡一枝春臨風看舞双啣鳳安得徐生便寫真

題徐士元畫釣隱圖

雲去鳥來還適意海枯石爛不移心寥々千古憑誰論獨見先生澤畔吟

衛明鑑画隱居圖

每因脫俗居林下更復題詩向画中啼鳥落花空歲月閑

雲流水護西東

為王允同題家山荆溪圖

好山都在太湖西  
滿路風煙棘刺迷  
華屋燕飛金今在石市  
橋官柳不勝題

陳慎獨畫竹樹圖

不見高年慎獨翁  
漫憑圖畫看幽叢  
石邊竹樹生寒碧  
好在蕭條破墨中

為周伯昂題春山圖

孝侯孫子獨稱賢  
亂竄思歸夜不眠  
看画每期玉右轄  
題詩惟憶杜樊川  
桃花雨外尋樵徑  
春水天邊覓釣船  
愛汝

披圖良足慰不須重辦買山錢

題吳江春晚圖贈張伯奇南歸

吳長淞江上春初曉  
烟水微茫帶淺蕪  
政是志和歸去日  
釣船從此落鴛湖

送馬民立省親后還官越上

撫戎之越豈能羈  
拜母還官定有期  
屈賈有才當用日  
儀秦多辯正逢時  
潮平江濶曹娥廟  
木落山空夏禹祠  
政隙好探風土勝  
莫言孤劍倚天涯

次危大參韻送相德謙之台州別駕

一上滄溟萬里船  
便朝金闕九重天  
遠臣艱棘曾身踐  
聖

主哀憐有旨傳別駕之官台宿近長安舉者日華邊故人  
珍重文章在報政行者不須賢

送陶元庸歸吳親母後復遊越依李開府

擾：越城路搖：吳水春自嗟淪落客又送遠遊人挾策  
長遊世謀生獨為親輸君談覽事更向鄴侯陳

送馮信卿之烏程令

好去烏程令間關白髮新五秩應得趣一劍只全貧湖水  
家家綠桃花樹：春幾番兵火地天復惠凋民

寄馬民玄在越上并柬孟季城

半生書劍各飄零千里相思望窅冥春水鷗邊吳樹綠夕

廿子

陽馬上越山青依劉已是同王粲適度何由似管寧故舊  
見君還問我釣船只說寄烟汀

寄徐生

積雨新晴三月初好風輕颺落花踈闔廬浦上安漁艇攜  
李城邊問客居吏牘可閑還後爾親庭常省定何如一春  
未得南來信綠樹陰時想過予

山中有懷江上故人

三更風露嫌衾薄萬壑松濤到枕煩江上故人寧隱豹山  
中獨客正聽猿蘭烟賸馥烏皮几燭影搖紅白玉樽月色  
灘聲誰寂寞思君清氣滿乾坤

兩處失山家書壁  
一首補于卷末

山家書壁

為愛山家人跡稀往來渾覺市廛非  
雷鳴谷裏朝尋菌雨過巖前日採薇  
草澤底須人自棄桃源真與世相逢  
他年未必無園綺應是看雲到晚歸

江渚移居

<sup>柴</sup>紫關臨水野人居思滿滄洲老釣漁  
落木兩山秋色遠澹烟孤島晚晴初  
底非江左袁宏渚可是隆中葛亮廬  
故舊幾人同笑傲兵塵十載謾躊躇

贈單子貞遊雲間併柬邾仲儀

月過衡門竹樹低清尊聊得話羈栖  
輸君慣聽雲間鶴笑

中

吾空聞夜半雞千古好懷渾謾憶  
百年高興屬誰題東南久別知微士  
歲晚尋船送上溪

遺徐生

流螢羅扇夜徘徊望斷銀河鵲  
未來何處海門潮送月幾年空照越王臺

贈筆生溫子敬

銛鋒淬鏘未由降夢裏生花羨  
老江要見太平無事日殺青書裏作長杠

贈墨卿李慶源

千金買賦不買墨重萬金識者稀  
卿搃絕藝待良史著

斲江南舊布衣

與呂志學夜坐

坐待西齋月論過上夜春亂離方促膝狹窄豈容身一劍  
風塵際十年江海濱黃金難鑄日白髮謾催人

書畊隱卷後

吳下顧家兄弟賢養親遺子力畊田暖雲糝雨春三月斜  
月犁星曉一川塵市不逢真隱者桃源忽見即神仙年  
但願長豐稔無吏徵租橫索錢

書陶孝子傳後

天兵自昔下宋時常州之民皆死之百年政爾勞牛息一

日猶然逢亂離妖氛易滅不足數玉石俱焚良可悲北門  
陶家有新塚子孝親完難汝為

咸林行為楊壘改墓乃祖作

餘杭山前百戰場蒺藜滿地多虎狼黃塵茫：白日慘子  
獨逞也良慨傷深衷憤不畏狼虎極目蒼天泪如雨蒼  
蓋高愁奈何腸斷咸林一杯土黃腸下溪九仞泉我翁瘞  
此今百年朱幡玉節久寂寞黃鸝碧草空留連回首東吳  
三百里無限好山并好水誓收寒骨悶幽函與翁來歸此  
山裏佳城再卜再封樹麥飯椒漿好時祀慈烏還來共栖  
止慰我生存保終始嗟哉楊公好孫子人生蜉蝣在天地



間關誰復顧生死骨月之恩固如此嗟哉楊公好孫子

良苦吟為馬元壽母得見作

水流豈無源草生固有根東風回驚濤吹此野燒痕亂離  
失母痛割腸難割恩念如兩慈烏飢啼各孤騫烟迷太湖  
渚霜隕吳會門七亡一朝見九起萬死魂蘭階草復茁尺  
蠖信乾坤上承高蓋旋景入無永昏苦盡得甘齋轍窮有  
回轅衣破淚始滅哭絕聲始吞始嗟命乖逆終洗心煩寬  
春暉轉忘憂或復念倚門翻思在離別豈料俱生存餘驩  
菽粟具辛苦勿出言我歌良苦吟頑薄當彌敦

除夜

出門無路達天衢謾擁寒衾咄咄書歲月又隨更漏盡半  
孤憤不能除

元日

帝所新正盡早朝萬方無乃寸心勞野人空老江湖表  
夢逸鈞天日已高

人日

草堂人日倚吟節日出陰銷見遠峯但願八荒春益  
盡無爭鬪即為農

元夜

鰲山月在滄江冷蛟室潮生貝闕寒閑却錦囊雙鳳瑄玉

人何許夜漫

新歲次韻荅沈存齋

滿卜今年見歲穰莫疑筮短復龜長野鷗久識滄洲趣海  
鶴終期寥廓翔日轉泰符蟠淑氣春回草樹發天香先生  
自種門前柳已似新鷺與酒黃

心遠樓為幹上人賦併發同席鄭明府一笑

東吳勝地黃山麓北海上人心遠樓閑爰白雲飛海嶠靜  
聽春雨過滄洲復公詩好不可壓鄭老官餘曾共遊薺滑  
笋肥加晚飯得參世外有揚州

雪蓬軒為式上人賦

大方上人常遊雲間泛舟觀海晝夜跏坐蓬牕  
之下而心解神會所謂冰厓鉄樹造境有獨得  
之者非世之人所可識其樂而自樂其樂也及  
歸隱霸岩山中縛茅為禪定之所因自<sub>扁</sub>曰雪  
蓬軒蓋將不忘其所得之從來耳新公仲銘乃  
為文以記其事龍華樵過之因賦詩資一嘆云  
閑逢執徐浴佛日

憶棹扁舟過海東海風吹雪洒寒蓬恍如屋裏生虛白誰  
共無邊說幻空暫對鷗盟忘綠渚更探龍藏入珠宮而今  
別在青岩半戲玩雲泉去住同

贈黃山人

接浙重趺四十年眼實歷人好山川來龍起伏成形似大塊渾淪豈變遷路遠脚跟十里健瀾翻舌底九河懸把詩長笑出門去又踏春風何處船

送瀚北海上人住靈岩寺

昔到吳王避暑宮靈岩寺在半天中伯圖終入黃池會山勢猶紆紆宇雄一去豪華千古夢數聲啼鳥百花風高人好坐琴臺上海月傳心向碧空

題王生所畫春山圖

山中幽事夢不盡愛我王生再畫之春及把犁畊綠野晚

未携甕汲清漪桃花汎處漁舟杳藤刺長時鳥道危四十漂淪歸計拙一看一画一題詩

紅梅引次韻用蕪壺中老人一笑

羅浮山下春風來嫣然一笑梅花開東君不是愛顏色玉容重著胭脂堆要令姑射朝天闕丹砂烟暎肌膚潔天人自是質失驚空谷何年見清絕又如十二飛瓊春酒醒絳紗籠玉尤分明天桃繁杏便粗俗紛紛艷冶徒相爭暗香不斷流丹髓三咽令人銷鄙俚莫言春半不耐寒飽浥冰霜不知幾吾生痛飲自得師對花爛醉高陽池朱顏顧我每如此壺公壺公如何髻成絲顛倒笑我為花揚酒危

贈湖州二沈筆生併東潘隱君

沈郎兄弟若溪客藝絕蒙恬八品流十載舊遊渾似夢一  
番相見又逢秋扁舟夜雨未滄海滿目風塵易白頭歸去  
定尋潘處士為言無事狎羣鷗

拜郊臺懷古

吳王城外拜郊臺山色湖光共遶迴終古翠華隨水去何  
年玉牒為天開斜陽一笛牛羊下細雨千帆雲鳥來忠死  
倭存陳霸業登臨不盡客興哀

望湖亭

望湖亭子橫山半水色山光落檻前前輩風流今已矣野

望當作隳

人登眺獨淒然鶴鳴華表誰同聽犬上東門或更牽謾把  
一杯消客恨五湖何處別乘舡

題江皋會飲圖

日月總消杯杓裏江山都落釣舡中何人相對苦不飲應  
是行吟澤畔翁

倪元鎮竹樹圖

侵晨好在不知頭寫此疎篁古木秋清氣逼人當不得歲  
寒誰與說風流

題王鳴吉吳江送別圖

長向江空嘆別離會毫猶賦畫中詩一聲鴈叫丹楓落思

逐東流轉柁時

題醉太白

汗漫魚龍窟道遙虎豹關死生渾托醉何獨夜郎還

題施雅山所藏宋周漢國端孝大長公主所題桂

花便面手卷後

身宋端孝公主理宗女也其所自題桂花詩便面

以碧紗為襯前帖所折桂淡然與冷月輝映自是

宮製絕俗織履可知而東廬王野與名琦所識有云

在武林時與故舊劉公仲昂邂逅茶話因及楊

仲齋駙馬事故出此卷劉廊王孫乃是吾家婦

筆一作筆

之母之筆也非筆藏于篋笥凡三十六年而外孫施

宜之其先有兄弟並舉進士者有雙桂堂尚在

堂扁政典扇合誠可以為其後未者識故裝禱

為卷筆其顛末併製桂香詞于後以遺焉且曰

貴主題此扇時猶未出閣天上清芬世間何有

則知前輩寶重之如此至隆山年先生賦云有

滿身風露不知寒之句尤極淒婉使人一讀無

限感慨今雅山處士亦既老矣所寶外家遺物

又幾五十年自謂雖獲夜光每棄弗顧而獨護

此卷如新不忍去手時出以示人諷詠不輟

其風韻又可知矣間屬堪賦之唯前代閨門舊  
物固是罕得然相傳之久殆百有餘年而不出  
兩家當時遺老又能詳記其事使更千百載足  
以起人之興懷于無窮若雅山之寶此其意亦  
有在乎于是追叙其韻遂併及而歸之宜之為  
雅山處士字云

其一

一方諸鏡樣團金壺沾墨豈無端萬年枝上天香盡遺  
恨青天碧海寒

其二

誰復風流關鳳團天人手骨想毫端楚吟翻泣銅仙淚共  
洒秋風玉井寒

其三

天水雙桂影團喜符佳讖上眉端外家風采今猶在長  
嘯空山鶴髮寒

次韻山居六詠

山居何所有簷竇過晴雲靈物尋常見塵囂絕不聞花開  
蜂作陣松逕鹿成群莫怪尋幽約長未避俗紛

其二

龍山宛若龍飛舞出羣峯霖雨終須作閑雲或可從蕭條

何處寺隱約數聲鐘  
修爾聽經去天花雨九重

其三

雜樹帶雲栽林間一徑開  
好鶯鳴不絕獨鶴去還來  
密蔭生青靄閑花落紫苔  
為吟清晝寂撫幾教徘徊

其四

勝絕為人誇山中宰相家  
琅玕皆翡翠金彈是枇杷  
懸圃生奇玉丹爐養嫩芽  
孰知方外事不比世間奢

其五

乳燕定新巢翻過柳梢  
自來簾幕下不逐網羅交  
細雨迷南陌飛花接近郊  
主家負好在破屋任人嘲

其六

好山看不盡一望一耆登  
崖險森如戟泉甘冷若冰  
鳴鐘傳下界著屐上高層  
不是石橋客何由識老僧

石屋為懷菴在上人賦

石屋都無斧鑿痕  
本來元是一渾淪  
借師覘座盤礴羸  
開出維摩不二門

鼓柂藻卷之三

鼓枻藻卷之四

元 虞堪 伯勝  
午日訪沈元圭席上次黃舜臣韻

一簾葵錦爛晴霞五色絲虹映壁紗丹藥自消頭上雪絳  
榴誰插鬢邊花茶煮石鼎從施禁詩寫蠻戩學坡和不是  
西山黃石叟難逢東老地仙家

江村漁隱

微茫烟水窟窈窕野人家屋裏容書几門前著釣槎  
挑花春漲漫桑樹晝陰斜欲問志和子樓邊幾歲華  
遊宋胡少師橫山福壽蘭若次韻書壁



每到橫山麓都違濁世氛僧留夜聽雨我自日看雲歷  
前朝寺桓、給事墳淒涼莫嗟感竹帛已傳聞

山家

老梅<sup>農</sup>正喜黃梅雨笑我何妨白晝眠竹迳鳥啼泥滑  
蛙蛙叫鼓闌、開溝放水將鋤去過嶺看雲借屐穿性癖  
自嫌多懶散空吟未遂卜居篇

為李可通題衛明鉉樓臺圖

海上相逢憶舊遊更開圖畫說丹丘玉簫吹老人間世獨  
倚烟霞第一樓

送達明善遷嘉興

前有題衛明鉉  
無此作衛明鉉  
必有一誤

鱸魚鱠斫樽無醪阿濫堆成甍政愁昨夜涼風吹得苦莫  
傳離思入南洲

王明仲聽雨樓

華星不可摘飛雨若為聽忽暝翻已峽兼秋響洞庭甲兵  
連夜洗絲竹暫時停幾度銷銀蠟沉思賦官冥

題錢舜舉畫蚕桑圖

桑中鳴禽巧如鳩吳娘養蚕夜不歇暖雨寒風惱殺人政  
是江南三四月若溪遺老白髮翁畫蚕畫葉思春風千金  
難買吳娘笑故寫生枝椹子紅

題舍弟坊墨竹

吾弟頗洒落鳳梢兼寫秋看渠矜老可憐我憶陵州

題雪山圖手卷

宵：一帶山沉、萬株樹著我靜者心獨得看雲趣

題畫小景寄次韻答之

題中寄字下  
疑有脫字

失笑自耳成野老放歌猶復哀王孫十年兵阻西蜀道比  
日霜雨東吳門缺裂布袍懶遶市蕭條菱舍還依村何緣  
處：無酒賣荷君數來空與論

又

白石先生多逸情寄來好句如彌明空江落水秋正下流  
水行雲日自生神人忽張洞庭樂老將復提燕山雄兵沒雅

健何可得我一把詠身如輕

石湖舊院

望湖亭子凄然不似當年風景画船空載梅花誰唱暗香  
疎影

題陸季弘碧桃花

別是一枝春飄然似玉人東風仍滿面絕不染紅塵

題章橫塘萱花

宜男閑著花不似王孫草莫引蝶空狂翻令惜春老

題秋山樓觀圖

萬朵芙蓉在屋頭白雲堆裏見層樓題詩忽憶雲門寺幾

度尋僧八月遊

湖村夜泊人家

歲晚過湖邊  
綠村夜泊船  
數家餘破屋  
幾度斷炊烟  
病犬驚籬罅  
饑鳥叫樹顛  
問津無處所  
寒月照人眠

震澤

汪洋巨澤控三吳  
不為黃池入版圖  
大禹功成遺跡在  
夫差侈極故臺無  
淵靈尚護龍潛窟  
國色才銷鹿卧蕪  
神物在川輝日月  
生民終古樂涵濡

潯南書事

偶即潯南地  
川原路欲蕪  
老翁行乞食  
稚子幼推扶  
來放

開河卒猶差狩戍夫為農那可卜  
愁我在江湖一作老江湖

訪潘公穎潯南隱居

去歲途逢歲月徂  
今年歲晚訪潯隅  
頭顱未老心還折  
世路多艱事屢殊  
知子淮南思桂樹  
愁予劍北問桑株  
間情十載渾依舊  
却笑虞翻走畏途

次韻寄韓景中

離愁迢遞每相干  
勁草知風也自寒  
切莫凭高嘆  
搖落舉頭見日是長安  
世路羊腸不可之  
強將情緒托新詩  
素絲黃黑岐南北  
政是長悲痛哭時

寄黃高士鶴巢

五年不見黃高士孝行如君豈得之  
阮籍再生應有愧顏  
了不死孰同辭瀧岡表在渾潛涕  
陟此詩成重所思莫悵  
剡溪船不到石尤風阻未堪期

登穿窰山訪學仙張袁二道士

穿窰絕頂訪仙居燕坐高人石不如  
一點紅爐飛白雪大  
千碧海掣金魚坐看日月渾淪轉  
笑指華夷寥落處我亦  
飄飄生羽翰不奔塵世五侯車

羽翰之翰本平  
聲當作羽翼

山中看花

折得山前數種花瓦瓶隨意貯山家  
香霏昨夜三更雨紅

帶朝陽五色霞不用薰籠蒙獸錦  
絕勝肌玉護蟬紗長安

道上風塵暗把酒看春復嘆嗟

題畫小景

綠水金塘馬健青山紅樹烏鳴  
榮、唵鞭、遠指濛、花雨

新晴

題大痴道人黃子久畫關山疊嶂圖

老痴作痴便痴絕畫山畫樹畫若鐵  
想從憶昔水千山咫尺看只今無復  
黃知命脫去人間行路難

題青山白雲圖

幽人卧春晚四山雲氣迷閉門花任  
落叶殺護林鷄

飽在、字可疑

其二人家青樹合僧樹  
白雲封誰共詩翁坐夕  
陽聽曉鐘

盤門

南 廟前霜柏闔廬城下寒潮風雨扁舟經過傷心無復  
吹簫

宿黎里普濟院書壁懷南邦長老

空花室裏聽清秋身世俱忘得自由風雨蕭條來北竇薰  
葭瑟縮響南洲瞿曇喻法開金像禪衲當機豎玉樓却話  
西余山下客在川何不棹歸舟

釣魚橋

瞰滄江而盤礴閱浮雲之卷舒物悠々其永逝吾何心而  
釣魚

滄浪橋

汎滄浪兮毋泊我舟通汗漫兮毋過我遊彼湛々兮既深  
以黜物擾々兮其盍以修夫滔々兮吾寧與休孰知我兮  
不我為儔嗟自取兮從者惟由

題東慎獨竹樹圖

為嗟玉樹埋黃玉見画題詩即斷魂健筆清真如宿昔滿  
林烟月對黃昏

汗漫遊與姚子靜錢公權壁上人同賦

我亦身從汗漫遊道遙海上覓元洲徧探龍藏三千界一  
駐鸞笙五百秋不用靈槎通絕域底須神駿蹴崑丘環中

即是人間世誰共蟬蛸樂未休

吳伯常家看桃花

二月一日去海涯吳生邀我看桃花重尋元都定何日且  
看赤城俱是霞此番開顏阿母笑他年得子小兒誇蜂衙  
蝶陣渾擾、何處春來有汝家

如舟亭為沈子和氏賦

東老作亭東海頭開牕盤礴坐如舟花飛酒幔雲高捲竹  
映書籤水亂流留客可看清刻雪學仙應過洞庭秋只從  
占得鷗波綠却笑王孫賦遠遊

錢公權席上次韻

捲地東風暗落花倚風聊側帽簷紗十分春事都成夢半  
百年華只謾嗟詩酒縱憑知己諳才情渾好看誰誇考功  
完畔潮通海便欲乘槎莫問家

書贈公權

今年海上逢錢起日、題詩句法新謂我做高東漢士多  
君恰到盛唐人扁舟共汎心相得高榻長懸意獨真惟待  
吹嗟上天去不知何地有通津

次韻荅阮維則

蹇予十載漂淪客柰此一春風雨何泥沒畏途人跡斷草  
攀荒屋漏痕多長懷鳥喞聲、樂底着騾綱事、馱萬里

一作長懷鳥道  
行險

窮途逢阮籍竹林雖近未能過

題蘇小小真

錢塘江上月如眉楊柳新生二月時  
貌得當年美人面東風一曲麗春詞

題夾竹桃花畫眉

翠袖籠顰怯曉寒欲妍花貌苦無端  
黛蛾拂得春山遠不負飛鸞桂影團

為弘行者畫護草

弘兄身在空華室夢幻無邊苦憶親  
要認東風真面目宜教重見北堂春

為規侍者畫天台圖

風雨祇園夜寂寥對僧籠燭畫山椒  
眼明認得天台路有個行人到石橋

題十六應真圖

人見自有神通步都行怖畏空  
不是脚跟能蹋實如何到得大江東

澄江季丙卿留飲客邸

一勺錢溪水半年澄客心風塵增感慨  
山水倦登臨處群遊在林衆木森持盃  
稱懷思還旆聽佳音

為季丙卿題衛明所畫呪錢出井圖

神仙好幻術驚世更駭俗笑移天地入壺中大塊輪囷等  
珠粟黃仙鍊丹世所傳呪錢出井飛上天長生久視亦已  
矣此事一說經千年衛君亦是丹丘子與我論交脫生死  
昔年學仙差可耳誰好樓臺分畫史孤雲處士騎鯨去文  
皇欲官挽不住露帶寒裾盡屬君草落筆成天趣季卿  
何由得此圖却寫仙人鍊丹處井氣空明泄海寒丹光錯  
落闕天曙蝦蟆秋飛老桂輪子規夜叫長松樹季卿父子  
烈丈夫年過五十山澤懼手援神農之百草口誦軒轅之  
古書回生起死奪造化陰德邁種為菑畚膏肓二豎為哭  
泣何物五鬼能柳榆一道澄江自西下十年賣藥留東吳

花飄苑樹秋霜薄葉落江楓夜雨涼每尋翁生說烹鍊更  
得果  
老稱名譽只今又逢東海上咫尺蓬萊隔烟浪便持此画  
問安期舉手人間謝塵埃

題柯叅書竹

秋風來蒼梧白月照九疑不見湘夫人一  
枝空淚垂海上琅玕曾持天上看蕭條風雨夜誰拾鳳毛寒

題天台王思齋雪溪書卷

憶昔山陰訪戴船滿溪晴雪思茫然重遊想得前時夢春  
水桃花別有天

題柯博士竹



其一  
后主錯刀無復見長公珠玉竟荒涼風雲盡捲賞簷谷若  
箇如君葉、長

其二

饒守風流清且貧珊瑚都入禁垣春奎章博士承恩日一  
一臨池寫得真

題黃道人畫

垢面野人頭似雪畫山應復画蘄茅幾株五老峰前樹箇  
箇如雲可結巢

茅經歷之嘉興道過楚寓因贈

省郎南郡之官去切思里豈驚行路難不謂野人疎世務漫  
勞舟楫艤江干沙汀寂寞浮鷗冷城郭蕭條勁草寒自古  
循良須贊畫好垂竹帛向人看

題盧益修水仙

盧郎吹笛向漚波夢裏曾瞻帝子何一自美人遺玉佩至  
今南浦月明多

用韻賦王明仲分菊

就地分花入瓦盆南風吹雨晝昏、幾時簾幕秋香滿看  
引飛來野蝶魂

答鄭長卿以書見貽

鼓枻  
滄江梅子雨絲、谷口書來念遠期愛道不官耕隱去但  
悲風木起哀思

鼓枻藁卷之四

鼓枻藁卷之五

留客聽琴

樓中伯也興不淺座上中郎心欲歸晚蝶幾番和夢去秋  
鴻逐段拍波飛

贈潘公頴歸越

烟塵眯目柰愁何柳色寒殺晴未過把酒送君離思遠揚  
帆過浦亂山多到家立雪看修竹涕泣臨風廢蓼莪若解  
栖霞踐霜露年、湖水綠生波

安素處士疇隱次鄭遂昌韻

元

虞堪

伯勝

滄海揚塵瀕洞時荒。白日閃朱旗。田間勿怪小結屋。世上更誰能採芝。烟雨荒村。婦牧豎。風波極浦。見漁師。清晨出畊。晚入息。三尺黃魚足。辨炊。

遺陳童子

湧金門外秋如海。笑指青天白玉盤。此地別來添兩歲。姮娥還怯夜潮寒。

倚樓次韻

江樓獨倚送斜暉。水盡天南鳥獨飛。風信晚潮吹酒醒。頭無炎汗濕練衣。

鶴瓢

青城黃仙師。四海遍行脚。東觀滄溟萬里餘。到時兩鬢秋。蕭索手中常持一鶴瓢。言是太古開花萼。偃蹇渾無斧鑿痕。分明洞有烟霞爍。青田一種至今無。溟渤崑崙任抄掠。一從箕泉遭棄寘。便向華表為栖托。自入行囊不計春。長懸日月同飄泊。彈絲或奏太古調。只與此瓢相對酌。醉將北斗挽天潢。肯把此瓢分兩勺。君不見伯牙彈琴無知音。卞和獻璞遭殘虐。世間俗子眼多瞎。有耳徒能聽管籥。安知老大葫蘆生。小摘乾坤自成噉。林屋洞口種橘李。山人平生讀書得真樂。自是西周老聃姓。抱一冲虛不凋斲。仙翁豈非無懷民。大道向出羲皇若禹穴。南來一邂逅握手。

玉落魄三字  
中疑有誤  
一作全落免

談笑如識昨以此瓢來見遺臨別要即重然諾謝之拂袖  
去意若全落魄山人得之不敢却左懸右佩貯靈藥有時挂  
向青崖間脫屣捫蘿坐盤礴月明遼海夜生寒夢逸秋空  
雙震足躡邇來作者歌鶴瓢競說山人瓢不惡長詩短句我  
亦有雨露雲烟詎穿鑿我歌不鑿瓢愈奇山人之名愈充  
擴李山人莫驚愕我亦青城丈人客昔年西來覽丘壑幾  
向啼髮太霞顛至今尚負山中約瓢乎瓢乎爾知否一夕  
風高起朔漠瀟湖洞庭木葉落尔今不募縱為瓢徒向人  
間受纏縛何當從今只化鶴為我憂然飛鳴一萬里長風  
浩々翔寥廓

此將愛日堂与  
山居圖古風三章  
誤併為一今各補  
錄于後

愛日堂為于仲和賦

此處有記脫

于君之家臨具區躬耕把釣何勤劬爰作新堂里山可樵  
而水可漁別來不覺幾更改兩鳥巢樹還愁予祇今浪跡  
縱萍梗仰觀頽視空超超何當歸來老其下白日躬耕夜  
讀書

寓目

天遠水復遙白鳥獨長往當役息機人羨此天際想

贈星史汪清溪

李白有奇句汪倫多好情我無朱紱戀子得清溪名清溪  
在何處白鷗長與盟日夕弄扁舟卷舒一絲輕慣識魚鳥

性都忘風雨聲年、使槎到夜、天河清誰將支機石更  
問嚴君平列宿二十八五緯相縱衡斗杓轉極垣兩眼俱  
分明客星到何度乃復逢長庚遇子練初問呼我安期生  
我本漁者從廿載江湖行桃源官難覓馳逐天下兵昨從  
西川來要掣東海鯨風塵尤瀕洞海波不遑寧不見賀季  
真把酒聊自傾人徒咲放曠自足安欣榮固窮豈求達但  
醉不用醒樂天復何款陶公乃歸耕為子歌蘭柀聽我歌  
濯纓

題陸季弘畫竹

少年文賦已曾傳畫竹風流老更妍烟雨一竿生筆底珠

璣萬個落簾前

其二

脩之雙玉倚空清翠羽鸞翎裊不停好似皇英愁日暮九  
疑如黛隔秋屏

題堅石林上人小像

一得金剛體自然芙蓉萬朶立青天如何恰坐雙松下明  
月寒潭又說禪

題教上人所藏石壁高僧圖

了無寒暑與昏朝獨坐松根看闍寥萬丈懸崖顛倒立法  
身無等劫塵消

為堅上人題石林圖

海邊雲氣接鴻濛萬石林中見玉虹八月潮高秋滿樹香  
山輪與坐禪翁

為道公題夏山圖

紫翠峯巒雲霧裡瓊瑤樓觀石林端何人曳杖岩頭去不  
畏松風瀑沫寒

題盛子昭書琴高士圖

二子彈琴固有期空山石上坐移時  
許松風澗水知

題孟仲良雪中才子圖

席帽羸駝抵朔風雪中驅策灞橋東幾時却向長安道到  
處題詩踏鞵紅

為范克齋題山水圖

魏公枝葉學長年曾逐仙人上九天幾見蓬萊水清淺歸  
來画裏看山川

題雲林為薩鶴齋真人画竹

寫竹雲林如琅玕我昔愛之長相看鳳凰去矣秋影獨白  
鶴歸來遼海寒

次韻戲荅堅公木樨

青冥昨夜御天風採得金丹下月中普散十方香世界莫

教鼻觀塞隻筒

題巖壑孤舟圖

我將投棲巖壑愛此松蘿絕塵欲喚滄洲艇子不知黃綺何人

題栢子庭画石菖蒲

躡此於菟直將尔鬚大嘯一聲風清月孤

老子騎青牛像

孰知而傳象帝之先始生八十終言五千度關青牛西邁不還若有見者乃猶龍然

次韻堅公秋懷

曾榮羸駘笑獨騫秋風瑟縮楚南天好詩都拾爨囊裡得句頻過佛寺前坐傲浮雲棲亂葉生憎急管襍繁絃而今頭白心如水惟有愁情到極邊

中秋夜與堅上人東樓看月

圓通寺裏看秋月十五潮頭送夜明龍喜金光搖海巖鵲驚樹影弄天晴祇知世界無昏昧不信風雲有變更詩句已成禪即悟急聽樓上打鐘聲

答陳孟章省元

文章得失寸心知千載寥寥竟屬誰天象昭回雲漢表人文宣朗古今宜鳳鳴阿閣雄諸籟蟬響悲風引一絲知子

有才良得意闕睢麟筆玩多時

陳孟章來詩名

幾年白髮欲成堆千里青雲未有媒高論謝顏思變雅遠  
懷班馬識奇才六朝音響都成選兩漢文章孰可回想是  
寸心知得失相逢為我洗煩埃

用先叔祖韻壽鶴齋薛真人

近以兵避海上會鶴齋真人于練川語及舊遊  
皆如夢寐因誦先叔祖太史文靖公詩乃為真  
人九月一日生朝賦也今俱客于此復逢此日  
而面誦此詩感慨今昔三十年矣于是堪不敢

無述謹用其韻以為壽云

練海秋潮若捲濤連天得與雀同邀人間不老三花樹天  
上初分五色桃甲子每書聊自記姓名千載復誰逃等閑  
談笑重陽近又向尊前一舉螯

薛毅夫詩

青城文思湧波濤子復長吟海上遨瞻望白雲歌伐木記  
從瑤水得餘桃百年風雅誰能繼萬里烟塵共此逃不是  
菊花知鼎序一盃負却海雙螯

贈澣天鏡講師

予渡練川寓于大報國圓通寺二有大藏道場



請師主席師錫自雲間至轉大法輪鼓鳴螺震  
廣闡宗風增輝佛日我今有分得與見聞踴躍  
喜歡遂成讚嘆

義天本無際心鏡奪方諸白月離滄海清風下太虛秩宗  
談般若演教契真如龍象朝集松堂响跏魚

次王原吉韻贈石林上人

石林峨海刹傑出大方家說偈瓶翻水看經席散花秋聽  
潮信急夜坐月痕斜借問窮源客魯乘九度槎

九月與霍齋真人飲于堅上人東樓次韻

樓臺超有界風月到無邊說幻難逃佛憑虛已是仙麟洲

生碧草淨土出青蓮我愛杯中物來修社裏緣

鼓柁蒙卷之五

鼓柀藁卷之六

宿堅公房詠高麗石琉璃

元虞堪伯勝

石燈如仰月雲截水光寒不為山灵秘應從海若刊中虛

請天本奇術

請字之義未下句偶伴亦然  
辭疑或有訛  
海上丹房聯句

、半夜蘭

秋臯候海月夜宿丹房清堪紫氣動瓊石白光搖素檣孝

思霜凝萬手杵火伏三足鎗異煌、豎玉井爛、連赤城

堪變合鈿汞髓交媾龍虎精孝思所以靈毓秘服之身形

輕巽三花常治子一胎忽騰嬰堪後天竟不死終古真長

鼓枻藁卷之六

宿堅公房詠高麗石琉璃

元

虞堪

伯勝

石燈如仰月雲截水光寒不為山  
靈秘應從海若剗中虛  
長寂炤表淨即空觀絕勝青藜杖  
寥々半夜闌

海上丹房聯句

秋臯候海月夜宿丹房清

堪

紫氣動瓊石白光搖素檣

孝

思

霜凝萬手拏火伏三足鑄

巽

煌々豎玉井爛々連赤城

堪變合鈿汞髓交媾龍虎精

孝思

所以靈毓秘服之身形

輕巽三花常治子一胎忽騰嬰

堪

後天竟不死終古真長

生孝思孰云邁周時政自凌商彭巽乾坤大莫測日月慳  
其行堪大椿閱春秋微虫嘯昏明孝思造化幾不息循環  
至相成巽天淵一飛躍鞠治徒煎烹堪道體誰割裂名言  
孰紛爭孝思超然高物表叢爾群目盲巽扶搖鯤鵬化黠  
宿蠅蚋營堪疇能較巨細何用嗤辱榮孝思安期既遁世  
魯連亦逃名巽飛度海水弱鞭驅石梁平堪坑、白盤上  
灑、金波傾孝思犀光微炤耀怪狀畢露呈巽鰲戴湧兀  
突鯨奔觸喧轟堪靈鼉雜魚騰舞若惟能犗孝思蜃吐起  
氣霧豚噴飛沫巽鯨甲竟六縮鯨鬚難獨撐堪飄飄駐  
羽節的礫蜚珮瑛孝思琴生躍鯉出王子跨鶴迎巽龍瑄

碎碣石螺觥吸滄瀛堪放此寬大量解以無何醒孝思劃  
然悟忘返歸歎詠遐征巽既御鴻濛氣當作款乃聲堪謫  
天本奇術縮地若偶伴孝思踟躇跬步勢呼吸萬里程巽  
坐我以几席笑子猶庭闕堪歲蕤覆肺盖踊躍捨心兵孝  
思齒鼓擊勻坎音鍾叩嚕呖巽婆娑鬚以髮做兀瞪而瞪  
堪微吟澁莊籟獨繭繅媧笙孝思縱琤間金石霰霏亂璣  
理巽鐵畫逗溜壁牙籤响風柵堪驚蛇逐毛穎飛虹捲陶  
泓孝思萬卷在手破五車子腹陳巽鬼谷應著策羅浮証  
棋枰堪果有奕局事豈無高世情孝思空劍高鏤綉囊琴  
蜀錦頰巽得趣始破的有神終合并堪蒸鑪螢媛、茗釜

陳韻記

董倦董字似誤  
賡疑是賡

蟬嘒、孝思 銀絲過行繪瑪瑙重出羨異神卷異桃核仙  
芝類真草堪瓜開犀落瓠榴破珠傾櫻孝思紅孽爛于火  
青剖園若罌異丹分益大栢殷對合抱檉堪魁杓落睽、  
蒲牢發鉉、孝思 勦軒摠辟易猛省渾慳矐異藥允罷秋  
搗寔雞候晨鳴堪霜結鴛頸瓦燈地鴈足繁孝思舞興憇  
、起俠氣衡、橫異容豪思橫發董倦嗔屢賡堪冥搜入  
古奧狂歌錯鏘鏗孝思啁、泣魍魎呱、叫獠猩異直令  
東方白盡使神鬼驚堪  
戲為日本僧立恒中題梅花  
飛去三千里開過數百春此言誰解得還汝日東人

題淵明賦詩圖

歸來不負酒并琴幽鳥南山伴好吟一自卷中書甲子釣  
橫千古不同心

贈日本僧立恒中藏主

上人昔自日邊來大海猶如渡一杯三萬里程空水觀百  
千沙界到天台繡經席上花飛徧曳履林間葉落堆政恐  
長吟好詩句却言又上鳳皇臺

送楊方外法師入上清山觀乃師祝洞天真人

長年海上賦遊仙又送楊君覓洞天華蓋自來塵世表祝  
融猶在日華邊先生遂赴渾淪約弟子重叅索籥前蘿磴

夜深桐絕頂素花臺上月當圓

為明仲公題木筆仕女圖

木筆花開春已深十分閨思向誰吟暖風吹破遊絲夢故折瓊芳比素心

為明仲題倪雲林畫

其一

東遊久不見兒寬落日秋風海樹寒一個草堂曾憇息王猷于我憶盤桓

其二

參差海樹珊瑚立窈窕風篁翡翠分尚想君家清閨閣墨

池零亂榻驚羣

題衛明所畫羸女吹簫

吹動簫聲萬籟稀飄飄風露濕仙衣彩雲飛斷秦樓月却跨青天五鳳啼

題画子晋吹笙

巾袂翩翩鶴背仙玉笙吹滿沁寥天碧桃花上春風度應是人間五百年

題王生畫幀

薄命長乘海上桴展圖驚見好林廬明年若遂歸畊計牛角膠觥管掛書

籌筆疑是  
籌策

題諸葛武侯草廬像

天挺神明不世姿當時出處係安危三分事勢勞籌筆未  
出隆中也自知

野人家

楚人還住野人家好在山顛與水涯不以紅塵干世事却  
于青草識年華門前夜雨生新漲屋上春風捲落花只有  
漁樵來會酒歌呼每到月西斜

題朱澤民書釣圖

汎輕舸子釣清歌滄浪子自取不知所讀何書竟相忘于  
魚水

施宜之處士隱雅宜山守先人塋與堪先隴為隣

承寄柳道傳博士所撰墓銘見示回詩奉酬

雅宜山在玉遮東聯絡諸峰眺望中一自佳城封馬鬣長  
時神氣接鴻濛穿碑述德金門彥高隱承家白髮翁我欲  
歸耕從杖屨共歌擊壤樂淳風

題季丙卿見示前輩陸子方先生義齋廡使所著

乃伯父季吉甫傳并詩

季叟暨名播昔年寸心行義契蒼天如扶槁朽顛崖裡盡  
起春風造物前虛扁神奇端復並機雲文字固當傳至今  
遺澤流諸子猶侶澄江注百川

看帆

襄陽丘彦章僑居笠澤數年闢小軒與搖成江直風帆沙鳥  
如在几席余嘗為扁看帆而為之記今從海上  
還重過軒中留住屢日乃相與徘徊間關而鄉  
情客思共有感焉故復賦之以詩

烟波江上使人愁贏得開軒作卧遊底事千帆未嫻復  
同孤鳥去悠悠遲回星斗寧搖落快習風雲不暫留瞬息  
安危由逆順轉看身世亦同謀

其四

徑過滌瀕汎瞿塘天險何如地險長我愛越山投剡曲君

其二早覺浮生類轉蓬江湖原不限而東十年  
飲林下萬里遊情付夢中開酒豈嫌梅子雨  
往來雜信石尤風青山空

老堆華髮奈尔端江路窮

其三一日我番雲作陣百年都若燈旛准南金  
逐翠登燕倚北窗隨韶到楚臺采藥已將童女  
去浣紗曾送美人來名奔利役何休歌日落長天  
數去回

看吳水憶襄陽季鷹思鱸乘高興司馬探書念遠鄉不是  
烟塵迷錦里也隨鷗燕逐牙樯

題吳江孫氏此小隱湖樓

太湖三萬六千頃小樓尋常盈丈間高情自寄烟水澗長  
嘯不驚鷗鷺閒白日看雲當檻過清霄放月炤琴還誰家  
燕子空撩擾惟待秋風墜綠鬟

悼堅上人

幾度扁舟過練川上人邀我佛樓前聽潮倚柱秋聯句待  
月鈎簾夜說禪身世等空前日夢影堂虛設故時筵如何  
却說心頭事再結三生石上緣



題江山臺觀圖

何處瓊瑤歌舞臺重，金碧向江開。杖藜漁艇吾偏愛，誰  
在崎嶇浩蕩回。

為元上人題雲山欲雨手卷

白雲不作雨，作雨但霏微。長卷青山路，唯教翠濕衣。

題佛圖澄應趙故寔手卷

喃，說偈水瓶空。惚，山河夢寐中。莫怪現前能咒鉢，水

西千載報春風

題朱叔重畫山水卷

姿東朱叔重滿卷畫雲烟。過越乘山轎，歸吳放野舡。危峰

蒼鶻上遠樹，白鷗前每悵。幽尋意題詩為爾傳。

盛子昭臨吳興公溪山釣船圖

著我春江聽雨眠，漚波亭下水如天。當時度得參差玉，吹  
起春風滿釣舡。

倪雲林畫

天末遠峰生掩冉，石間流澗絡寒清。因君寫得三株樹，忽  
起孤雲野鶴情。

題安忠猿鵲圖

啼猿靈鵲賦難工，峽月河星思未窮。誰向楚臺愁寂寞，想  
趨岩殿却知風。

月夜泛湖詩卷

醉裏誰吹碧玉簫滿河明月泛蘭橈一時高興都難道萬  
里青冥便欲飄風水龍吟秋嫋<sub>鷺</sub>星河路起夜迢漢槎  
羸節成何事不及空歌度沈寥

題王叔明畫岩居羅漢

金錫曾飛海上峰歸來岩窟坐蒙茸已探娑竭諸人藏幾  
度長安半夜鐘席上啣花馴雜鳥鉢中听法隱降龍寫真  
盡變玉摩詰應為人間嘆未逢

分題賦得任公釣臺送王允劉歸義興

任公有釣臺陽義西門道六朝去已遠一守稱絕倒無事

每蕭閑于鵠事幽討惠政實已多昔民仰蒼昊至今釣遊  
處山青巖石好雲天日為旗野樹春如葆魚鳥識風沅江  
山見文藻王孫遠遊歸淒迷思芳草壯氣溢前修我當論  
懷抱出處可探奇有志莫易老

雨中過同川訪王性中齋居寓宿話舊

天時人事底推遷一別俄經二十年華室幾空樓鳥計滄  
江重對狎鷗眠前程擾<sub>三</sub>人路往事滔<sub>百</sub>道川共話  
平生夜來雨故人高榻未虛懸

次韻奉畬性中

其一

華館春風昔往來翻成車鞅逐塵埃狂遊自訝飛龍劍落  
魄渾忘化鶴盈天地一漚身未老關河萬里路還開欲將  
短笛吹佳調人惜江城玉樹梅

其二

九斗羣峰飛翠寒仙人居處最高安每看直下滄溟小長  
立危坎宇宙寬一自兩鳧從遠邁數番雙鯉奉餘歡而今  
帶月吹笙去海晏塵清更不難

兵革後送周伯昂歸義興

城郭已皆非人烟觸處稀莫言前度事但得一身歸妻子  
全當喜鄉鄰在可依孝戾還有廟再拜勿歎歎

趙松雪出浴馬圖

噪浴霜寒蹄帶月嘶皎如飛雪度春池泥圍人不可輕調御花  
萼樓前曉伏時

題顧定之所画二篠

匪闌翳之老推伊翩翩之羽翹庆九天而披拂逢一氣之  
扶搖

題萱花園

一自北堂風雨夕萱花萎矣思難任而今畫裏愁題句重  
感春暉寸草心

遺陳生士起

故人違我作仙遊，去<sup>上</sup>去應無百尺樓。一見鳳毛<sup>上</sup>暈五彩，尚思談笑說吳鈞。

趙魏公楷養馬

久忘爬刷向河汾，抵樹摩身動晚雲。千載有誰憐駮骨，展圖空憶舊將軍。一作李將軍

題顧定之竹

錄事官常州政是太平日，想得鳳凰枝。掀髯揮彩筆。

其二

直節應承雨露恩，五色之雲護子孫。而今飛向閩中去，搖蕩春風化墨痕。

海岬圖

海岬水西流，看山正倚樓。迢迢烟九點，笑指是齊州。

畫鶴篇

伊誰畫此鶴，千載遺陳生。飄飄有仙氣，相顧移蓬瀛。高吭修脰若長鳴，磊落昂藏晚太清。思凌霄漢不飛去，若有待者台階平。群真昔朝上帝所，鬱羅蕭臺隔風雨。鸞駮鳳馭自鈞天，却戴瑤笙來下土。寥廓餘音世罕聞，韻<sup>聲</sup>所替辨徒紛紜。南嶽真人既還邁，五色雲霞散華蓋。棋聲一响闌干空，人境皆非城郭在。自脫紅塵世網中，直來懸圃滄洲外。陳生一從魏伯陽，上虞學道期翱翔。栖真笠澤瑞雲觀，長

對此鶴懸齋房坐讀叅同玩周易造化機關洞探贖乃知  
薛公畫向通泉壁十一通靈今絕跡故為此鶴成爰惜孰  
云道士青城客久欲歸赴玉局奕但留壁間鶴篇一隻海塵  
茫、薄日色何天一方來便冲碧落萬里展雪翼圖南不  
使鵬先得圖南不使鵬先得

題竹樹圖送陳君玉歸呂城

烟枿風篁亂墨痕依稀貌得古南村歸耕布穀應啼晚好  
在春陰護子孫

鼓柁藁卷之六

鼓柁藁補遺

次韻荅公權見遺之句

一日風塵瀕洞時百年身世轉堪悲豈無懷抱同千古誰  
共登臨望八垂為客漫投鸚鵡賦傷春多在杜鵑詩窮途  
覆轍遲徊久莫道為輪不用規

成都使君王季野席上次韻奉呈榴巢初菴雲林

玄素子素諸公

隱者分湖住高士雲林棲蕙葭散汀看鷗去桃花隔屋聞  
雞啼每同杖屨踏春堤詩筒酒榼前後提公子風流乃相  
愛綏引婢始生變醜織歌細舞交驪後翠瑤玉珮花籠蔥

蘭亭之下暮春會飛觴列坐千載同莫訝看山長帽菊高  
談雄辯顏酡紅顏然自謂謫仙侶欲舉萬象超鴻濛丹丘  
子陶朱公人間歲月駒過隙不飲算待兩鬢成衰蓬君不  
見東風曉作梨花夢白雪飛來已半空

贈筆生施廷用

若人藝者多藝筆馮陸當年稱第一馮陸之前漫有人良  
工若箇當傳匹吳興遺老舊王孫憶昔被詔游帝閣白玉  
堂中留補袞馮也陸也此日其藝皆其掄玉堂仙去馮陸  
死遂有時名落人耳後來溫揚皆擅場鄉里而今有孫子  
幾家有藝如有田侯門戈裾筆如船先生兄弟懶歸去更

傳匹當是儒  
匹之誤

如船疑是如椽

有施生爭後先施生施生良獨若一棹江湖正風雨雪滿  
頭顱塵滿髯過我煙江闔廬浦吾儕自顧非華陽奚足為  
爾分強良聊復臨江疑掃硬黃雲煙脫手自生光有若快  
馬追風忽當陣銛戈利劍森交張蛇龍臥席畏顛素便欲  
擬出恭鍾王甫知老髯絕藝詩精法差可辟易數輩又于  
陸也相翱翔宣州免越州竹慎勿貪書瘞筠簾竹已廢疑  
萌茁兔亦飽狼腹春管秋毫取次生應待山中氣清肅作  
歌贈君歸計促不足傳人喻珠玉重來過我煙江由為君  
展破鷗綠

愛日當為于仲和賦

于君之家臨其區躬耕把釣何勤劬爰作新堂奉親樂嬰  
啼拙舞將歡娛知君綠衣常自着匪獨樂爾怡妻孥上堂  
朝夕共甘旨列以羔豕魚尊鱸稱觴願親百歲壽無由駐  
日忘朝哺長年懋桑陰滿戶林中夜之巢慈鳥眼勞恐辱  
子事盡生祥下瑞天理符君不見東家萬厦蓄有餘生兒  
二十不讀書崇朝街裡調鞍馬不肯堂中問起居又不見  
西家有子懷明珠十年辭家遠遊去天下豪俠相奔趨白  
髮之親雙眼枯令名既失身受污于君于君非其徒于君  
于君非尔徒

山居圖

楚人愛山披此圖芙蓉秀色如匡廬莫知昔人結巢處雲  
松千尺今何如陰崖瀑花落飛磴冷煙石髮生雲梳仙家  
別自有天地乃見樓觀皆瓊琿淋漓瀟洞元氣濕衆木一  
脫秋風疎石田得鏡良可擊縛茅便約幽人居吾鄉青城  
千萬里山可居而水可漁別來不覺幾更改兩烏巢樹道  
愁予祇今浪跡縱萍梗仰觀俯視空迢迢何當歸來老其  
下白日躬耕夜讀書

李龍眠畫馬

龍眠居士畫六馬神妙不在曹巖下始信天閑有六龍毛  
骨權奇汗流赭鳳頭錦膊獅子花雄俊豈待奚奴誇騰霜

北撥好頭出<sup>赤</sup>馭氣競欲追風沙起驟一箇玉蝴蝶蹄如踏  
鐵眼燁々直恐翻々便飛去一點春風正揚鬣君不見寧  
王畫馬花萼樓四海八荒無事秋玉面之驄勿變化開元  
天子愛之止莫留乃知龍媒矯々不世出自是龍池飛霹  
憲漢家封疆既混一天馬西來勞負錫海宇清平忘戰敵  
嗚呼海宇清平忘戰敵

讀饒介之遺徐允中書

介之善張旭懷素書妙絕一時々人往々爭得之以為  
奇玩其得意超邁之筆允中所蓄尤多乃裝輯成卷昨  
若名言世珍然皆務誇張矜滿之詞略無一語及國及

民如云當年僕過吳陵時知有諸豪傑今日乃得為刎  
頸交何也以氣相感爾又云允中人傑肯與僕領此夙  
志矣噫觀夫此得不為果止必敗之識耶今此卷散落  
人間使人一展覽便殊不滿

揮毫草々入狂顛歲月猶題破國前耶况不言才漫尔田  
卑失計事徒然穴中席子終探物夢裡 兒底說賢總為  
有生終<sup>鍾</sup>禍識絕情無處托栖禪

瞻雲操

維蒸之麓兮鬱乎蒼々英雲下被兮吾親永藏雨露沾濡  
兮悲蒿悽愴嗟親之逝兮其何以注瞻雲之汎乎喬林慨

不滿之下疑脫  
意字

蒸字可疑

注字亦可疑



吾親兮憂集于心鳥翩：兮三止猿啾：兮夜吟灌鬱林  
兮徹泉之下泣松楸兮零于宿莽慨吾生兮茹茲荼若抱  
終天兮終古

飛雲樓春夜會飲聯句

樓外雨蕭騷如何慰寂寥裡畫闌花正朱履夜從招公  
子開東閣敏先生莫後邀能徵協呂望鳧鷖佇王喬堪自  
向虞卿壁誰吹伍子箫玉壺承酒酌裡銀帛藉香燒鹽：襟懷豁飄：氣宇驕敏過秦人罕論適趙客難撩文脉如泉涌堪詞源若海潮每歌青玉案長想赤欄橋敏就醉翻金縷相期折翠條煙霞同嘯傲裡汗湧及漁樵酒眩春衫

薄詩成臆燭消

裡

悠揚通蝶夢瘦損過蜂腰最喜相隣近

裡惟憐失路遙幸同投氣詎何以荅瓊瑤敏瑟：低簷溜  
冥：動斗杓結歡得知己端不負春宵堪

施架閣池上夜飲聯句

潘公隱明發將歸

槽頭綠醕倒不盡池上梅花開欲齊今夕好懷良足慰  
百年高興若為題銀燈炫席珊瑚爛敏彩筆聯詩錦綉迷  
細雨作花簷際落堪清歌如綾拍中低渾忘司馬青衫濕  
谷似聽宮鶯綠樹啼公子金猊燒萬轉敏美人犀筋勸馳  
蹄也知北海能豪傑堪况有東方善滑稽腰細舞伶翻弱  
柳谷手纖盃重壓柔荑先判五夜同傾倒敏未信三邊尚

鼓聲倏忽年華梁日暮堪風流人物晉東西江湖空濶鴻  
偏到谷梧竹高低鳳獨栖乘興放船來笠澤嫩、心投轄  
憶潯溪襟期久已入如漆堪咲噓頽然醉似泥漸  
移舟艇分司清丁

心兒豈會須發達攄憂憤敏慎勿登  
夕酒闌起舞忽聞鷄

馬樂堂

朝同

經



